

## Aalisarnermut Piniarnermullu Naalackersuisoqarfimmut

Att: apn@nanoq.gl

29. november 2024

### 2025-mut raajanut pisarineqarsinnaasunut tamarmiusunut tunngatillugu tusarniaanermut akissut

#### Kitaani

Kitaani 2025-mi raajanut pisarineqarsinnaasunut tamarmiusunut tunngatillugu tusarniaanermi allakkat naapertorlugit pisarineqarsinnaasut tamarmiusut 83.125 tonsiunissaannik SFG-p inassuteqarnerata malinneqarnissaa Royal Greenlandimit innersuusutigineqarpoq. 2025-mut pisarineqarsinnaasut siunnersuutigineqartuni 89.687,5 tonsiusuni maannakkut 2024-mut pisarineqarsinnaasuni tamarmiusuni 102.500 tonsinit 12,5%-inik ilanngaasoqarsimanera takusinnaavarput, tamannalu paasinninnerput malillugu aqutsinissamik pilersaarummut naapertuuppoq.

Taamaattorli tamatuma peqatigisaanik z<sub>msy</sub>-mik qaangeeratarsinnaaneq 35%-imit annerunnginnissaa pisariaqarpoq, taamaammallu siorna 95.000 tonsinit siunnersuutigineqartunit 12,5%-inik ilanngaasoqarnera pitsaasutut isigaarput. Tamatuma saniatigut siorna siunnersuutigineqartut malinneqannginnerat matumani pissutaavoq. Tulliani nakkutilliinermi MSC-mut illersorneqarsinnaassaaq aamma uani erseqqippallaanngippata aqutsinermik pilersaarutip oqaasertaanik nassuiaatinik saqqummiussisoqarsinnaavoq.

2024-mi aalisarnissamut pisassiissutit tamakkerlugit atorineqarsimanngillat taamaammallu pisassiissutinik annertuumik nuussisinaanissaaq atorluarneqarsinnaavoq. 80.000 tonsinik siunnersuutigineqartoq eqqarsaatigalugu 2025-mut pisarineqarsinnaasunut tamarmiusunut ilungersunartumik inissisimasoqalersinnaavoq.

Taamaammat pisarineqarsinnaasut tamarmiusut 83.125 tonsinut aalajangersarneqarnissaat inassutigaaarput.


#### Tunu

Pisarineqarsinnaasut tamarmiusut siunnersuutigineqartunit ukiorpassuarni annertunerungaatsiartarsimapput, aamma 2018-imiilli pisarineqartartut annertuserujussuarsimapput. Taamaalilluni 2024-mi 6.100 tonsit pisarineqarnissaat naatsorsuutigineqarsimavoq, naak 2.500 tonsit pisarineqartussatut siunnersuutigineqarsimagaluartut. 2025-mut siunnersuutigineqartut 1.000 tonsinut ikilisinneqarput, aamma pisarineqarsinnaasutut siunnersuutigineqartut 6.850 tonsiupput.

Raajaqassuseq assut tatineqarsorinarpoq, aamma siunnersuuteqarnermi eqqaaneqarpoq pisarineqarsinnaasut tamarmiusut 3.000 tonsinik annertunerulerpata raajaqatigiinnut piujuartitsinermi killissarititaasup Blim 30% sinnerlugu ataannissaa aarlerinarnerulissaaq. Taakku annertussutit anguneqarpata - aqutsinermi suliniutit atorineqarnerpaasartut malillugit aalisarnek matuneqassaaq.

Taamaammat piffissaagallartillugu mianersornissaq eqqarsaatigalugu pjarineqarsinnaasutut siunnersuutigineqarsimasut annikinnerunissaat pisariaqarpoq, taamaalilluni peqatigiinnissamik isumaqatigiissut siunissami ingerlaannarsinnaaniassammat.

Inussiarnersumik inuulluaqqusillunga



Lisbeth Due Schönemann-Paul  
Senior Corporate Sustainability Advisor  
lisc@royalgreenland.com